

Txotxongiloen unibertso magikoa

Datorren ostiralean hasiko da Tolosako Nazioarteko Jaialdia

Tolosako Nazioarteko Txotxongilo Jaialdiak hamaikagarren urtea beteko du aurten. Azaroaren 26an hasi eta abenduaren 4a bitartean herri ezberdinetako 22 txotxongilo taldek partehartuko dute Jaialdian eta 85 antzezlan eskainiko dituzte bai Tolosan baita Gipuzkoako beste herrietan ere.

A. ORMAETXEA / DONOSTIA

Tolosako XI. Nazioarteko Txotxongilo Jaialdiak hiru sail ezberdin izango ditu aurten: bata haurrei zuzendua egongo da, helduentzako bestea, eta talde profesional gazteei egokitua hirugarrena.

Nazioarteko Jaialdiaren antolatzaileek atzo Donostian eskainitako prentsaurrekoan adierazi zuten, aurten 6 herri ezberdinetako 22 talde hurreratuko dira Tolosara, hala nola, Moldaviakoak, Kanadakoak, Errumaniakoak, Poloniakoak, Esloveniakoak eta Suediakoak. Eta Estatu espainiarretik ere etorriko dira txotxongilo taldeak, Galizia-koak, Kataluniakoak, Valentziakoak, Andaluziakoak, Baleariarretakoak, Kanarietakoak eta Aragoiakoak alegia.

Talde guzti hauek eskainiko dituzten 85 antzezlanak batez beste 21.150 lagunek ikusiko dituztela zehaztu zuten antolatzaileek, eta Tolosaz gain Gipuzkoako zenbait herrietara ere zabalduko da ikuskizuna: Lasartera, Iruñera, Eibarrera, Ordiziara, Zumarragara, Beasainera, Andoaia, Ibarra, Ikaztegieta eta Donostia. Antolatzaileek Jaialdiaren «izakera gipuzkoarra» nabarmendu nahi izan dute emanaldiak beste herrietara hedatuz.

Aurtengo jaialdian ez da berrikuntzarik egin Miguel Arretxe Jaialdiko zuzendariaren esanetan. Iaz Japoniako teknika zaha-



Atzo aurkeztu zuten Tolosako jaialdia antolatzaileek. ANDER GILLENEA

rrarekin egindako txotxongiloen antzezlan goraipatu zen beste guztien gainetik baina aurten honelakorik ez dagoela azpimarratu zuen berak. «Kontutan izan behar da urtero zerbait azpimarragarria ekartzea ez dela komenigarria, eta gainera, aurrekontuak ez zizun gehiagorako ematen», argudiatu zuen. Hala ere, partehartuko duten talde guztiak «lehen mailakoak» direla gogora ekarri zuen Maria Jesus Aranburu Gipuzkoako Kultura diputatuak.

Ikuskizun bat besteen gainetik nabarmenduko ez den arren, Errumaniako txotxongiloen antzerkiari arreta berezia ezarriko zaiola argi utzi zuen Tolosako Txotxongiloen Jaialdiko zuzendariak. Herri honetako hiru txotxongilo talde aukeratu dira aurten, «bai estilo bai teknika ezberdinetakoak hirurak». Honela, Arlechino taldeak barila batekin mugitzen diren txotxongiloak eta aktoreak tartekatzen ditu antzezlanean. Vasilachek, bestalde, hari tradizionala erabiltzen du txotxongiloak mugitzeko eta Moldovanek berriz, hariaren

teknika aintzakotzat hartuta itzalak ere tartekatzen ditu.

EUSKARAZ HIRU EMANALDI Azpimarratzekoa da gainera, euskarazko bi txotxongilo antzezlanen emanaldia egingo dela estreinekoz. Gorkada eta Kukubiltxo talde bizkaitarrek ekologiaren gaia ardatz gisa hartuta, 'Nahikoa' eta 'Salba dezagun mundua' lanak antzeztuko baitituzte. Baina Euskal Herriko talde hauetaz aparte ere izango da euskarazko emanaldirik, Poloniako Poznan herriko Txotxongiloen Antzerkia taldeak 'Timothy eta txakurtxo' antzezlan euskara hutsean egingo baitu.

Nazioarteko Txotxongilo Jaialdiaren aurrekontua hamahiru milioi pezeta pasatxokoa (565.000 libera) da eta horietatik sei milioi Gipuzkoako Diputazioak eman ditu. Tolosan egingo diren emanaldiak Iparragirre antzokian, Fronton Kafetegian, Inmaculada ikastetxean, Leidor zineman eta lehen Igarondo zinema zenakoan izango dira.

Txotxongiloekin ikusi eta ikasi

A. O. / DONOSTIA

Jaialdiak iraungo duen bederatzi egunetan zehar txotxongiloen ilusioaz eta fantasiaz igurtzita ageriko dira Tolosako kaleak. Giroan panpin berezi hauen magia arnastuko da eta herriko horma eta zokoetan kartoiarekin edo paperarekin egindako txotxongiloak eskegita egongo dira. Jaialdiaren historia apur bat egin, azken hamar urteotako edizioetan 30 herritako 165 txotxongilo taldek esku hartu dutela azpimarratu zuten antolatzaileek.

«Urte hauetan 105.000 lagunek gozatu dute eskainitako ikuskizunekin, eta horietako gehienak haurrak izan dira» zehaztu zuten. Txotxongiloen emanaldi gehienak haurrei zuzendua dauden arren, badira lau espreski helduentzat direnak. Kopuruz gutxi dira baina antolatzaileen aburuan nahikoa, «txotxongiloen ikuskizuna batipat haurrentzat izan ohi delako».

Berauen iritziz, «txotxongiloek esker une entrenigarri bat igarotzeko aukera eskaintzen zaie haurrei, baina ikasi ere egi-

ten dute eta bide batez, lagun berriak eta herri berriak ezagutzeko aukera izango dute».

Txotxongiloen Jaialdiaren barne Agata Freyer Esloveniako eszenografoak egindako txotxongiloek osatutako erakusketa zabalik izango da Tolosako Kultur Etxean. 1969az geroztik Bosnia-Herzegovina, Kroazia eta Esloveniako 30 talde profesionalentzako ehundaka txotxongilo egin ditu. Ikusgai diren txotxongiloak sinpleak baina kolore bizikoak eta material arraz ezberdinez egindakoak dira.

Egunkaria
REN

Kiniela

2

bertso kiniela

FINAL AURREKOAK

1

2

3

4

5

6

7

8

Izena

Helbidea

Herria

Tel.:

NORA BIDALI: BERTSO KINIELA 1901 Posta Kutxatila 20080 DONOSTIA

2. KINIELAREN OINARRIAK

- Final aurrekoak Eibarren (abendua 5) eta Bilbon (abendua 8) jokatu dira.
- 16 bertsolarik hartuko dute parte final aurrekoetan eta 8 sailkatuko dira finalerako.
- Finalera pasatuko diren 8 bertsolariak asmatu behar dira, sailkatuko diren ordenan.
- Ez badu inork asmatzen, gehien hurreratzen denak irabaziko du saria. Batek baino gehiagok asmatuz gero, zozketa egingo dugu asmatzaileen artean.
- Azaroaren 17tik abenduaren 3ra bitartean argitaratuko ditugu bigarren kinielaren boletak.
- Abenduaren 7an bukatuko da bigarren kinielaren boletak jasotzeko epea.
- Abenduaren 16an argitaratuko dugu bigarren kinielaren irabazlearen izena.



BI PERTSONARENTZAKO
ASTEBURUA LONDRESen

Joan-etorriko hegaldia Bilbotik, aireportua-hotela-aireportua bidaiak eta lojamendua eta gosaria turistentzako goi mailako hotelean. Bidaia behe-sasoian egingo da eta Viajes Ecuador-ekin zehaztu beharreko datetan.

BABESLEA

VIAJES

ECUADOR

NAZIOARTEKO BIDAI AGENTZIA

105 BULEGO ZURE ZERBITZURAKO